

Одамларни ўлимдан кейинги ахволлари китобидан

07:56 / 26.12.2018 2379

Ассалому алайкум! Ҳурматли устозлар, "Одамларнинг ўлимдан кейин ахволлари" мақоласини ислом.уз сайти орқали ўқидим. Мақолада "Абу Зар разияллоҳу анҳу деди: «Расууллоҳ соллоллоҳу алайҳи ва саллам: «Уч тоифа инсонлар борки, уларга Қиёмат кунида Аллоҳ таоло гапирмайди, қарамайди ва уларни покламайди. Уларга аламли азоб-қийиноқлар бор»-деб, уч марта тақрорладилар». Мен: «Улар зарар ва зиён кўрар эканлар! Улар кимлар, ё расууллоҳ!»- дедим. Расууллоҳ соллоллоҳу алайҳи ва саллам: «Кийимларини оёқ тўпиқларидан пастга тушириб кийган одам, миннатчи ва матосини бўхтон қасам билан ўтказган кимса» - дедилар» (Имом Муслим, ҳадис № 106)". Шундан кийимларини оёқ тўпиқларидан пастга тушириб кийган одам жумласига тушинмадим. Шунга аниқлик киритиб берсангизлар. Раҳмат

"Зикр аҳлидан сўранг" ҳайъати:

- Ва алайкум ассалом! Расууллоҳ соллаллоҳу алайҳи васалламнинг замоналарида кийимни тўпиқдан пастга осилтириб кийиш мутакаббирларнинг одати бўлган. Фахрланиб ўшандай кийинишиб юришган. Ҳозирги кунда ҳам мақсад шу бўлса ўша ҳадис остига кириб қолинади. Валлоҳу аълам!